



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

XXXVI. Ecquid est liberum arbitrium?

**urn:nbn:de:hbz:466:1-35233**

### III. DE LIBERI ARBITRII NATURA.

#### QVÆSTIO XXXVI.

*Ecquid est Liberum Arbitrium?*

AVTOR. I. *Liberum arbitrium est Iudicium rationis, cum Electione voluntatis: ita Magist. 2. Sent. 2. Alijs significat solius rationis actum, id est, iudicium: Quia, ait S. Bern. liberè de actu voluntatis iudicat. Vel, ait Tapperus, quia indifferens est; & in particulari iudicamus, ut volumus.*

3. D. Thomæ, & S. Patribus significat actum solius Voluntatis; eò quòd is solus verè & propriè liber sit: Diciturque Electio; quæ est quædam quasi iudicium ultimum voluntatis. Sic dicitur, vive pro arbitrio.

*Arbitrium* verò dicitur potius, quàm iudicium; quia Arbitri sunt liberiore Iudicibus: Hi enim tenentur sequi leges in iudicando; ut, si iudicare secius videantur, ab eis possit appellari: Arbitri verò sententiam ferunt, ut volunt; nec ab eis datur appellatio.

Arbitrii, & voluntatis eadem potentia est; Et potentia hæc, quâ respicit finem, *Voluntas*; quâ media, *Arbitrium* dicitur.

*Libertas* triplex est: *Natura*; quâ concreatâ nobis liberamur ab naturali inclinatione, nos ad determinatum actum necessitante. *Gratia*, quâ ab peccatis; *Gloria*, quâ ab mortalitate liberamur.

*Libertas Natura* duplex est.

I. *A Coactione simplici*: Sic libera sũt,

quæ, etsi non possint non fieri, sunt tamen spontè: Vt cum Deus gignit Filium, cum appetimus beatitudinem.

II. *A Necessitate*, quâ libera sunt, quæ pro arbitrio possumus velle, aut non velle, aut nolle: ut dum loquimur. &c.

I. CALVINVS Inst. 2. c. 2. §. 4. conionctâ hoc, (*Liberum arbitrium*) fert impatienter. Nimis, ait, Philosophicè hac de locuti sunt, quasi Christi iactant discipulos. Nam quasi adhuc integer staret homo, semper apud Latinos *Liberi arbitrii* existit nomen. Græcos verò non pœnit multò argantius usurpare vocabulum; siquidem auctores dixerunt; *at si potestas sui ipsius penes hominem fuisset.* 2. Ib. §. 8. *Si quis vocis huius (Liberum Arbitrium) usum non pravâ intelligentiâ sibi permittat; per me quidem non vexabitur eò eam rem. Sed quia sine ingenti periculo non posse retineri esse; magno contra Ecclesiam bono futurum, si ABLEATVR. Neque ipse usurpare velim; & alios, qui consulant, ABSTINERE optarim.*

AVTOR. Etsi vocabulum hoc, *Liberum Arbitrium*, in S. Scriptura non sit; res ipsa tamen habetur. Num. 30. *In arbitrio viri erit.* &c. 2. R. g. 34. *Trium tibi optio datur, elige.* Dan 12. *Quælibet eligam.*

DICO igitur Calvinistis, quod S. Aug. l. 7. c. 9. de Trin. Pascensio Ariano, contententi vocem *liberum arbitrium* in scriptura non extare; respondit, *Etsi nomen non reperitur: res tamen habetur in ea.*

*Liberum arbitrium* igitur est potentia non habitus, vel actus: *libera* non inde terminata ceu voluntas: *intelligenti nature* attributa, ut subiecto; ex his, quæ ad finem aliquem conducunt, ut obiecta potentia, versantis circa Media tantum, unum præ alio eligendi, actu contrarietatis seu specificationis; aut respiciendi, actu contradictionis.

QVÆ.